

Senad Šepić

1. Izrazio nezadovoljstvo odgovorima na pitanje postavljeno na 33. sjednici Doma, održanoj 6.9.2012., i obnovio pitanja Ministarstvu vanjskih poslova BiH i sekretaru Zajedničke službe Sekretarijata Parlamentarne skupštine BiH. Pitanje je glasilo:

„Molim da mi dostavite informaciju o postupku posredovanja za izdavanje vize za SAD u moj diplomatski pasoš, dakle na ime Senad Šepić, poslanik u Predstavničkom domu Parlamentarne skupštine BiH, krajem jula, te ko je, po čijem nalogu i s kojom svrhom neovlašteno prenosio moje lične podatke i omogućio pristup mojim ličnim podacima nekim medijima u BiH?“

Pitanje je obnovljeno na sljedeći način:

„Dakle, ja danas obnavljam ova oba pitanja i tražim od obje institucije da konkretno odgovore na pitanja koja sam postavio, i Ministarstvo vanjskih poslova i Zajednička služba Sekretarijata Parlamentarne skupštine BiH, dakle da imamo usaglašen stav s njihovim osvrtom na pisanje medija o ovom pitanju. I, ukoliko ponovo budemo imali ove kontradiktornosti, zatražit ću na narednoj sjednici da porazgovaramo ovdje, u ovom domu, da nam rukovodioci obje ove institucije usmeno odgovore kako je moguće da se jedna interna prepiska u Ministarstvu vanjskih poslova, na relaciji pomoćnik ministra i kabinet ministra, sutradan nađe u novinama. A da nam onda dostavi neko pitanje da nema apsolutno nikakve veze s tim. Dakle, očekujem precizan odgovor i od jedne i od druge institucije. Ovo je vrlo bitno pitanje. One institucije koje trebaju da štite nas i naša prava, dakle, ako se ovakvim stvarima bave kada je u pitanju poslanik u Parlamentarnoj skupštini BiH, onda možete zamisliti kakvu poruku šalju građanima ove zemlje.“

2. Komentirajući odgovor Vijeća ministara BiH na pitanje postavljeno na 31. sjednici, održanoj 5.7.2012., postavio je pitanje Zajedničkom kolegiju oba doma. Pitanje Vijeću ministara glasilo je:

„Kada će Vijeće ministara BiH postupiti po zaključku ovog doma i Zajedničkog kolegija i dostaviti informaciju o procesu i poziciji Bosne i Hercegovine na evropskom putu i ispunjavanju uslova za podnošenje aplikacije za članstvo Bosne i Hercegovine u EU?“

Pitanje postavljeno Zajedničkom kolegiju glasi:

“Kada će Zajednički kolegij oba doma Parlamentarne skupštine BiH postupiti po zaključku Predstavničkog doma Parlamentarne skupštine BiH i sazvati sjednicu oba doma Parlamentarne skupštine BiH posvećenu evropskom putu Bosne i Hercegovine i poziciji Bosne i Hercegovine u procesu približavanja EU?“